

18

Galantomm, che te vet per sto scurœu
 Compassionand el noster crepacœur
 De nun ch'emm faa la fin che fann i bœu,
 Te semm tant obligaa del tò bon cœur,
 E se fussem in grazia del Signor
 Vorarissemm pregall in tò favor.

19

Ma deggià che no podem fa niient,
 Domanda pur e de tutt quell che soo
 Te daroo evasion, basta che 'l vent
 El staga ammò quiett per on quaj poo;
 Da scolt e in poch paroll te sentiree
 La dolorosa storia di fatt mee.

20

Sont de Ravenna, - tosa del cont Guid,
 Maridada col princip Malatesta,
 Che m'è toccaa de tœul proppi inivid
 Perchè brutt e cattiv comè la pesta,
 Tutt al contrari de sto so fradell
 Che l'era altertant bon, grazios e bell.